

Inatsisartut suleriaasianni § 37, imm. 1 naapertorlugu, Naalakkersuisunut apeqqutit imaattut matumuuna ingerlateqqinneqarput:

Naalakkersuisunut apeqqutit:

- 1. Jameson Landimi uuliamik ujarlernermit aammalu uuliamik paaanissamut atatillugu Naalakkersuisut suut iluaqutissatut aammalu ajoqutissatut naliliiffigisimavaat?**
- 2. Jameson Landimi uuliamik paaaneq aallartinneqarpat, suliat qanoq sivisutigisumik ingerlanneqarnissaat Naalakkersuisut naatsorsuutigaa?**
- 3. Uuliamik ujarlerneq imaluunniit uuliamik paaaneq unitsinneqarpat, sumiiffiup salinneqarnissaa, matusinissaq aammalu pissusissamisut iluarsanneqarnissaa pillugit Naalakkersuisut piumasaqaatinik saqqummiussiniarpat?**
 - a. Saliinissamut kina akisussaasuussava?**
 - b. Naalakkersuisut qanoq qulakkiissavaat, sumiiffik isumannaatsumik aammalu mingutsitsiviunngitsumik qimanneqassasoq?**
 - c. Selskabi saliinissamut aammalu sumiiffiup iluarsanneqarnissaanut pisusaaffimminik naammassinninngippat, Naalakkersuisut qanoq iliuseqassappat?**
- 4. Uuliamik ujarlerneq imaluunniit uuliamik paaaneq Ittoqqortoormiini innuttaasunut, uumasunut imaluunniit pinngortitamut ajoqutaasumik kinguneqarpat, Naalakkersuisut qanoq upalungaarsimanissamut pilersaarutini aammalu isumannaallisaanermut iliuusissanik piumasaqaateqarniarpat?**
 - a. Avatangiisinut imaluunniit inuiaqatigiinnut sakkortuumik kinguneqartoqarpat, Naalakkersuisut sulianik ingerlaannartumik unitsitsinissamik piumasaqarsinnaassappat?**
 - b. Mingutsitsisoqassappat imaluunniit ajoqusertoqassappat, saliinissamut aammalu iluarsiinissamut kina akisussaasuussava?**
- 5. Suliniut nunatsinnut, pinngortitamut imaluunniit najukkami innuttaasunut sakkortuumik kinguneqarsinnaasoq paasineqarpat, Naalakkersuisut uuliamik ujarlerneq imaluunniit uuliamik paaaneq aallartinneqannginnerani unitsissinnaavaat?**
 - a. Suliniut aallartinneqannginnerani unitsinneqarpat, tamanna Kalaallit Nunaannut qanoq aningaasatigut kinguneqarsinnaava?**
 - b. Tamanna inatsisitigut, isumaqatigiissutitigut imaluunniit allatigut qanoq kinguneqarsinnaava?**
- 6. Naalakkersuisut Ittoqqortoormiini innuttaasut aammalu najukkami innuttaasut Jameson Landimi uuliamik ujarlernermit imaluunniit uuliamik paaanermi**

suliffissaqarnissamut piviusumik periarfissinneqarnissaat qulakkeerniarlugu iliuseqassappat?

- a. Naalackersuisut piumasaqaatiginiarpaat najukkami innuttaasut assersuutigalugu angallassinermi, qillerinermi, nerisaqartitsinermi, eqqiainermi, logistikimi aammalu tapersersuinermi suliaassani allani atorineqarnissaat?
 - b. Naalackersuisut najukkami innuttaasut naleqquttunik pikkorissarnissamut, ilinniartinneqarnissamut aammalu piginnaasanik ineriartortitsinissamut periarfissinneqassaat qulakkeerniarlugu iliuseqassappat?
 - c. Naalackersuisut najukkami sulisut suliaqarnermi assingusuni nunanit allaneersunut naleqqiullutik akissarsiatigut aammalu atorfinitsitaanermi atugassarititaasutigut naligiimmik atugassaqartinneqassaat qulakkeerniarlugu iliuseqassappat?
- 7. Jameson Landimi uuliamut tunngatillugu suliniut aallartinneqarpat, Naalackersuisut qanoq ittunik suliffissaqartitsinissaq naatsorsuutigaat?**
- a. Suliffiit qassit najukkami innuttaasunut atorineqarsinnaanissaat Naalackersuisut naatsorsuutigaat?
 - b. Naalackersuisut naatsorsuutigaat najukkami sulisut aammalu nunanit allaneersut akissarsiatigut imaluunniit atorfinitsitaanermi atugassarititaasutigut assigiinngitsumik atugassaqartinneqassasut?
 - c. Taamaappat, assigiinngissutsit sumik peqquteqassappat - assersuutigalugu akileraartarnikkut pissutsit, piginnaasanut piumasaqaatit, isumaqatigiissutit imaluunniit pissutsit allat?
- 8. Naalackersuisut Jameson Landimi uuliamik ujarlernermit imaluunniit uuliamik paaanissamut tunngatillugu Ittoqqortoormiini innuttaasunik tusarniaasimappat?**
- a. Tusarniaaneq qaqugu ingerlanneqarpoq?
 - b. Innuttaasut qanoq peqataatinneqarpat?
 - c. Innuttaasut qanoq oqaaseqaateqarpat, isumakuluuteqarpat imaluunniit akerliussuteqarpat?
 - d. Naalackersuisut innuttaasut akissutaat qanoq malitseqartissimavaat?
- 9. Jameson Landimi uuliamik ujarlernermit imaluunniit uuliamik paaanissamut tunngatillugu Naalackersuisut paasissutissanik allanik, Inatsisartut ilisimatinneqartariaqagaannik, saqqummiussassaqaarlutillu?**

(Inatsisartunut ilaasortaq Mette Arge-Hammeken, Naleraq)

Tunngavilersuut:

Nunatsinni nunarput erligeqqissaartussaagatsigu, soorunami makkunani ittunik aallartisalertoqartillugu annertunerusumillu susoqarsinnaanerani innuttaasut



ilisimatinneqartanngikkutta taava apeqquaterpassuit makkunani ittut sarsuatilertarpagut. Uninngatiinnagassaangimmatalu apeqqutigisariaqarput akissutissarsiniarlugit. Ingammik illoqarfik, innuttaasut, pinngortitaq uumasullu eqqarsaatigalugit mingutsitsisartoq pineqartillugu eqqummaariffigisassat siumut nalunngeriigassat suuneri pillugit paasisaqarusunneq annertusisarpoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.